



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

Regnum Dei non est cibus aut potus. tit. 240

**urn:nbn:de:hbz:466:1-29452**

## TITVLVS CCXL.

**R**IMò, notandum quod Pharisei quærebant à Christo, Lucæ. 7. An regnum Dei stare, aut conquiratur per externa aut interna opera. & respondit: Regnum DEI non consistere neque acquiri, per externa opera & ornatum id est, in vestitu, cibo, potu, esse in illo loco vel alio, in caremonijs, cã panis, organis, &cæt. Sed regnum DEI intra vos est, id est, consistit in istis operibus, quæ sunt intrinsecus in vobis, id est, fide, timore, dilectione DEI, misericordia, patientia, castitate, &cæt. & alijs fructibus Spiritus sancti, Galat. quinto. Hos motus excitat Spiritus sanctus in corde spirituales. Ideo regnum Dei non est res corporalis, & extra hominem, id est, nec cibus, nec potus, nec vestitus, nec monasterij locus, sed est res spiritualis, vt fides, charitas, &cæt. Romanorum, 14. Regnum DEI non est cibus & potus, id est, res corporalis non est causa iustificationis, sed fides in Christu apprehendit propter Christu, est pax cõscientiæ à damnatione & accusatione legis, peccati, & sathanæ, est gaudium spirituale de redemptione, quia Christus nobis datus est à Deo, vt sit nostra sapiëntia, iustitia, sanctificatio, & redemptio, 1. Cor. 1. Sic his motibus viuit & regnat Deus in cordibus nostris, Galat. secundo: Viuo ego, sed non ego, viuit autem in me Christus. Hoc autem tunc fit, id est, in futura vita, quando nõ est peccatũ in nobis. Sic regnum Dei in nobis est, per huiusmodi enim motus **CHRISTVS** est, viuit & regnat in nobis.

Secundò, externa opera, obseruationes, & caremonia, siue externus cultus, vt sunt cibus, potus, vestitus,

ritus, locus, &c. nō sunt reiicienda. Sunt enim vincula, & quædam ornamenta ad maiestatem cultus Dei, ordinata. Sunt media, per quæ Deus sua nobis distribuit dona, vt sacramenta, opera, ieiunium, cibus & cultus. Ideo externa illa, atque ceremoniarum obseruationes, licet non sint virtus, attamen sunt ornamenta rerum illarum spiritualium, sicut testa non est nucleus, attamen decorat nucem intus absconditam: sic sunt etiam cæremoniæ, &cæt. Primum igitur querere debemus hoc regnum Dei & iustitiam illam, id est, fidem, dilectionem, timorem, &cæt. Mat. 6. per quæ Deus in nobis viuit & regnat. Hoc primum & potissimum esse debet, vt simus fideles, mansueti &cæt. & alia adijcientur.

Tertio, Aduersarius sathan etiam regnat in nobis, & regnum suum etiam intra nos est. Nam viuit in nobis per superbiam, inuidiam, auaritiam, luxuriam, accediam, iram, &c. Per hæc spiritualia opera & motus sedet in corde, araneus in tela sua, & studet vt Christum expellat. Ideo docuit Christus orare Mat. 6. Adueniat (Domine) regnum tuum. Veni, & expelle sathanam, occide hunc inimicum meum, sed fit, sicut Christus dicit Ioan. 3. Lux venit in mundum, & homines magis dilexerunt tenebras. Probet ergo nunc seipsum in quo regno sit, Christi an sathanæ.

Quarto, licet regnum Dei non stet in rebus externis, attamen non sunt tanquam res sordidæ & inutiles cōtemnendæ, sicut hæretici dicunt, Cibus ac vestitus non iustificat, ergo nullum obseruemus ieiunium, exuamus cucullam, deponamus cæremonias, &cæt. Nam hæc oportet facere, misericordiam videlicet & iudicium, & illa non omittere, Mat. 23. Non oportet omnia externa abijcere, sed ad excitationem interioris deuotionis & cultus veri retinere externas etiam si hæc sine interiori opere parum profunt: at cum simul externum & internum opus sit, non

carebit suo prämio ex gratia propter Christum: misericordia ergo pauperi non sufficit, nisi etiam elemosynam dederis, si in facultate tua est.

QUID SIT REGNUM CAELORUM.

TITVLVS CCXLI.

**R**imò notādum, quòd est duplex regnum: Terrenum seu temporale, quod sine iū sortitur: & caeleste, quod nunquā interit, in terreno regno solūm laboratur pro temporarijs rebus, quomodò diuitiz & honores quærantur, Politiz regantur, & filij educantur, &c. In hoc præsidet Imperator, & suas concedit libertates, & potestas sua extendit se ad bona temporalia & corpora hominum. Sic sathan in monte Mat. 4. ostendit Christo omnia regna mundi. In hoc regno docetur, quomodò per artes acquirantur temporalia. Et sunt in eo quidā hōesti homines, aliqui avari, superbi &c. Sic est regnum Romanum, Regnum Israel &c. Caeleste regnum sic dicitur, quia in eo laboratur pro spiritualibus & caelestibus donis, quæ de caelo veniunt: sic enim dicitur Iaco. 1. Omne donū optimū, & omne donum perfectum &c. In tali regno prædicatur euangeliū Christi, per quod homo acquirit fidem, Rom 10. Fides ex auditu verbi. acquiritur Spiritus sanctus cum suis fructibus, Gal. 5. Acquiruntur æterna salus & vita æterna. In hoc regno acquiritur redemptio à sathana, & condonatio peccatorū Col. 1. propter Christum. Nam Deus pater in hoc regno præsidet, & confert dona varia caelestia & spiritualia propter Christum, immò Christum & omnia cum Christo. Hoc est regnum Dei, id est, regimen suum, in istis caelestibus donis & virtutibus nos regit id est, per fidem, spem & dilectionem &c. trahit nos suprā ad altioria, quàm ea quæ sunt in mundo, sicut Apost. dicit, Philip.